



UNIVERSITÄTS-  
BIBLIOTHEK  
PADERBORN

**Cogitationes, Sive Considerationes Christianae Pro  
singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Dies 17. De adversis.

---

[urn:nbn:de:hbz:466:1-60514](#)

DIES XVII.  
De Adversis.

I.

**C**hristus Dominus cùm sit omnium hominum Pater, ante mortem testamentum suum condidit, & hæreditatem inter filios suos ipse met partitus est. Sed, quod mireris, & malos voluptatum, & hujus vitæ gaudiorum: probos aurem ærumnarum, afflictionum hæredes scripsit. *Mundus gaudebit; vos vero contristabimini.* Hæc est partitio, quam fecit Sapientia æterna; ac proin non nisi justissima esse potest. Pessimi quique boni aliquid agunt: nec ullum bonum, inquit Divus Augustinus, sub regno Dei infinitè justi sine remuneratione abibit. Itaque pro modico bono dantur præmia operi convenientia, nempe bona quædam temporalia, voluptates quædam caducæ. Hominum piorum nullus est, qui inter multa bona non etiam mali quid agat: levia hæc mala pænis levibus puniri merentur; magna autem bona, quæ agunt, bonis compensabuntur infinitis, bonis æternis, quid justius?

II. Ho-

II. Homines probi conquerendi causam non habent, etiam quod ad hanc vitam attinet. Gaudium malorum sæpè non nisi apparens, vanum, & plerumque immun-dum, sempérque brevissimum est. Non, nisi apparens est, quia non consistit, nisi in bonis falsis; quæ non raro vera mala sunt. Vanum est, quia ejus fontes vani sunt, neque cor hominis satiare, neque ejus capacitatem quodammodo infinitam replere possunt. Purum non est, non solùm, quia multis semper molestijs permisum est; sed etiam, quia è peccato nascitur; quod, cùm homines non meliores, sed è contrario deteriores reddat, facere eos verè felices nequit. Semper breve est, quia cum eorum vita evanescit, in infelicitatem sempiternam desitrum. ánne hoc gaudium invidiam, ánne nomen remunerationis meretur? an id homines felices reddere dici potest?

III. Contrà verò tristitia, & afflictio hominum proborum frequenter non nisi apparens est, sæpè in solis consistens sensibus, nec ad cor usque penetrat: dum pars inferior agitatur, turbatürque, superior tranquilla pace fruitur. Homini probo deliciæ, & amici sui eripi possunt, Deus verò eripi ei non potest. Atque hujus bo-

ni

ni possessio præponderat omnibus malis, quæ ipsi contingere possunt. Is Deum suum possidet; hoc bonum omnium ei bonorum est loco: ejusque pacem tuerit in medijs perturbationum causis, quæ ei se offerunt; nec eum, nisi exteriùs affligunt; ad interiora vero non pertingunt. Denique tristitia hominum proborum brevis est; & cum vita fortietur finem: adeoque ejus terminus haud procul abest. Et hæc tristitia apparens, & brevis gaudio, & pace immutabili, æternaque commutabitur. Est ne hæc injusta partitio? habentne homines probi conquerendi rationem, etiam si hæc vita spectetur?

*Erubesc de querelis, queis forsan abripi te passus es, considerata malorum prosperitate, vel ærumnis, quas divina providentia obvenire tibi permisit. An non summopere injustus es, dum iniquitatem accusas Deum?*

Mundus gaudebit; vos vero contristabimini; sed tristitia vestra vertetur in gaudium. *Ioan. 16. 20.*

Christianorum est, pati mala tempora lia, & sperare bona sempiterna. *Aug. Serm. 100.*

DIES

